

Alkitab Anggen Anak Alit



Gereje Ngarepin Kemewehan



Kasurat olih: Edward Hughes

Kaperagayang olih: Janie Forest
Alastair Paterson

Ka tempat saking: Ruth Klassen


Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org


©2024 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.

Petang dase lemeng sesubane Ida Hyang Yesus nyeneng uli kematiane, Ida Sang Roh Suci turun di tengah-tengah para sisian Idane. Yadian para sisian Idane tusing je ngresep indik Ida Sang Aji, Ida Sang Putra lan Ida Sang Roh Suci bisa dadi Widi ane Tunggal, dane makejang ngerasayang keliangan ngelah Widi ane setate nunggal ring ipun. Ida Sang Hyang Widi setate nyinahang paundukan-paundukan ane ngangobin buat nulungin para rasul ngortiang indik Ida Hyang Yesus tekenin anak lenan.




Anak ane percaya ring Ida Hyang Yesus, ngedum-ngeduman sawatek ane kegelahang anggone nulungin anak ane lacur. Sakewala ade anak ajak dadua luh-muani, ane sube makurenan ane madan Ananias lan Safira ane tusing jujur. Ia ngadep tanahne tur purak-purak nyerahan makejang pipisne tekenin para rasul. Ia ngengkebang tengge hasil pemelin tanahne lakar anggone buat dewekne padidi.



3


"Ngudiang dadi setene nguasain kenehne buat melaksana mobab ring Ida Sang Roh Suci?"

Pitaken dane Petrus ring dane Ananias. "Semeton tusing je mobab tekenin manusa nanging ring Ida Sang Hyang Widi." Ditu lantane dane Ananias jeg bah ketanahe, terus langsung mati. Anak-anak truna ane ade ditu nintingan ia tur ketamen di setrane.




4

Tusing je mekelo, Safira teke, ia tusing nawang kurenane sube mati. Ia masi mogbog patuh care kurenane, pamuputne ia masi mati. Makejang ane ane nepukin tur ningehang unduke ento merasa pada jekeh pesan.



5


Ida Sang Roh Suci liu pesan nyinahang tandetande muah keajaiban-keajaiban melantaran para rasul. Umpamene, anak sakit kesegerang rikala lawatan dane petrus kenen anak ane sakit. Nah ento salah sinunggal mujizat ane nyinahan kawisesan Ida Sang Hyang Widi. Unduke ento ngranayang anak percaya ring Ida Sang Hyang Yesus terus ngeliunan dogen wilanganne.



6

Nah mujsate ento nyinahang keluwihan lan kewisesan Ida Sang Hyang Widi ane ngranayang terus ngeliunan anak ane percaya ring Ida Sang Hyang Yesus Kristus. Unduke ento kranayang

para imam agung pedih pesan. Imam-imam agunge ento lantane ngejuk tur ngabe para rasule kepangkenge!




7

Di tengah-tengah petenge ada malaikat Ida Sang Hyang Widi adiri mukak pintu-pintu penjarane tur ngatehang para rasule pesu uli pangkenge, tur ngomong buke kene: "Kemoje ke pura Agung Bait Suci tur dartayang je sabdan Ida Sang Hyang Widi tekenin anake ane ade ditu."

Pare rasule lantane pesu tur nartayang indik Ida Sang Yesus. Semengane pengiring imam agunge napetang jelanan penjarane sube mebukakan, tur penjarane sube Puyung.

8

Dugase ia nepukin para rasule ento, imam agunge lantas ngerengin para rasule. "Tusingke tiang sube nambahang apange semeton tusing buin ngajain medasar antuk Parab Ida Yesus?" "Titiang patut lebih taat tekenin Ida Sang Hyang Widi ketimbang tekinin manusa," Pesaur dane Petrus lan para rasul ane lenan. Imam besar ento hatine pedih pesan, ia edot pesan ngematiang para rasule ento. Lantas imam agunge mrentahan apange pare rasule kegebugin tur kebebasang.




9

Yadiastu ipun nandang sengsare, pare rasule terus dogen ngemang paurukan disajorning parab Ida Yesus.




10

Sedekan dine anu, ade anak lanang adiri ane meadan Stefanus ketawan. Dane Stefanus tresne pesan ring Ida Yesus. Ida Sang Roh Suci mrabotang dane buat ngortiang Ida Yesus tekenin anak-anak ane lenan. Makudang-kudang anak misunayang dane, tur ngorahang dane Stefanus nulak Ida Sang Hyang Widi.




11

Setondene Stefanus ane kebekin baan kuasan Ida Sang Roh Suci mati, dane nulengek ke surga, ditu dane ningalin keluwihan Ida Hyang Widi tur Ida Sang Hyang Yesus mejujuk di tengen Ajin Idane. Rikale anake liu nimpugin dane aji batu, dane wantah ngestawa ring Ida Sang Hyang Widi Wasa tur ngomong kene: "Duh Ratu tampije roh titiange."




12

Sesubane dane ngestawa, patuh care pengestawan Ida Sang Hyang Yesus dugase Ida kepentang di kayu salibe, dane Stefanus masi ngestawa apange anake ane melaksana jaat ento keampurayang dosa-dosane.



13

Kesengsaran ane kealamin pare sisian Ida Sang Hyang Yesus lan anak Kristen dugase ento kekawitin sesubane Ida Sang Hyang Yesus Seda. Ade anak pemuda ane madan Saulus, ane nguopin ngematiang Stefanus, ngejuk sekatahin anak ane Kristen. Dugase ento liu pesan anak Kristen ngungsi ngalih tongos ane aman, nganti menyebar nekede di Yudea lan Samaria. Ane tetep nengil di Yerusalem tuah



pare sisian Ida Sang Hyang Yesus dogen.

14

Yadiastu anak ane tusing demen tekenin anak kristen lan ngancam lakar ngematiang, anak Kristen ane sambrag ngungsi ngalih tongos ane aman, tetep ngortiang orti rahayu indik Ida Hyang Yesus. Tusing ade anak ane nyidang nambakin, uli krane Ida Sang Hyang Roh Suci ade ditengah-tengah hatine, tur mekarye majalaran anak Kristen.



15

Gereje Ngarepin Kemewehan

Wenten katuturan carita saking pengandika Ida sang Hyang widi mewasta Alkitab,

dados sobyahang ring

Kisah Para Rasul 5-7

"Pemargin saking pengandika Ida Ngicenin Karahayuan."
Mazmur 119:130

16

Puput

56



60

17

Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jarma sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Surga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang!

Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

18